

## Масжидда уйқуси келган одам нима қилиши керак?



18:30 / 20.03.2022 3366

سَعَن اِذَا اِلَاقَ مَلَسَوِ هِيَ لَعْلَلِ اِيْلَ صِيَّبِ نَلِ اِنَعُ، هُنَعُ لَلِ اِي ضَرَرَمُ عَرَبِ اِنَع  
دُمَحْ اَوْ دُوَادُ وُبَا هَاوِرِ هَرِيغِ اِيْلِ اِكَلِ ذِهَسَلِ جَمُ نَمُ لَوَّحَتِ اِيْلِ فِدِجُ سَمَلِ اِي فَوَّهَ وُ مَكُدَحْ اِ  
هَسَلِ جَمُ نَمُ لَوَّحَتِ اِيْلِ فِدِجُ مَجَلِ مَوِي مَكُدَحْ اِسَعَن اِذَا؛ هُطَفَلِ وُ اِي ذِمَّرْتِ لِ اَو

Ибн Умар розияллоҳу анҳудан ривоят қилинади:

«Набий соллаллоҳу алайҳи васаллам:

«Сизлардан биров масжидда туриб, мудраса, ўша ўтирган жойидан бошқа жойга ўтиб олсин», дедилар».

Абу Довуд, Аҳмад ва Термизий ривоят қилганлар.

Термизийнинг лафзида:

«Қачон сиздан бирортангиз Жумъа куни мудраса, ўтирган жойидан ўтиб олсин», дейилган.

Шарҳ: Ушбу ҳадисда масжидда ўзини қандай тутишга иршод қилинмоқда. Одатда кўпчилик Жумъага эртароқ келиши мумкин. Келганидан сўнг жим, сукут сақлаб ўтириши керак. Бундай ҳолат бир муддат давом этганидан сўнг кишини мудроқ босиши турган гап. Бундай ноқулай ҳолатни бартараф этиш учун Пайғамбаримиз соллаллоҳу алайҳи васаллам ўриндан туриб, бошқа жойга ўтиришни тавсия қилмоқдалар.

Дарҳақиқат, мудроқ босган одам ўрнidan турса, қони юришиб, уйқуси қочади, ўзи тетиклашади. Ушбу ишни Пайғамбаримиз соллаллоҳу алайҳи васалламнинг суннатларига эргашиб қилган одам эса савоб ҳам олади.

Демак, ҳар биримиз бу нарсага ҳам эътибор беришимиз лозим.

**«Ҳадис ва ҳаёт» китоби асосида тайёрланди**